

## Kev Qhia Rau Niam Txiv/Tus Neeg Saib Xyuas Menyuum txog Daim Ntawv Teev Num Ntawm Tus Menyuum Kawm Ntawm, Cov Qeb Kawm Menyuum Yaus K-12

KEV NKAG rau ELLs 2.0 yog ib qho kev tshuaj ntsuam xyuas **kev paub ntawv Askiv zoo** rau Cov Qeb Kawm K-12. Qhov kev ntsuas **kev paub ntawv Askiv** ntawm cov menyuum kawm ntawv uas raug txheeb xyuas tias yog **cov neeg kawm ntawv Askiv**.

### Daim Ntawv Teev Num Ntawm Tus Menyuum Kawm Ntawv yog Dab Tsi?

Daim Ntawv Teev Num Ntawm Tus Menyuum Kawm Ntawv qhia txog koj tus menyuum cov qhab nia ntawm qhov kev tshuaj ntsuam xyuas KEV NKAG rau ELLs 2.0. Daim ntawv teev num yog rau cov tsev neeg thiab cov kws qhia ntawv.



HAUV KEV NKAG rau ELLs 2.0<sup>®</sup>  
Kev Xeem Txawj Lus Askiv

#### Sample Student 1

Hnub yug: mm/dd/yyyy | Qib Ntawv: grade  
Theem: Sample Tier  
Qheeb Tam Tis ID: XXXXXXXXXXXXXXXX | Lub xeev tis ID: XXXXXXXXXXXXXXXX  
Tev kawm ntawv: Sample School  
Rog bekvwm ntawv: Sample District  
Lub xeev: Sample State

Saum toj kawg daim ntawv teev **num muaj** koj tus menyuum lub npe, hnub yug, theem qeb kawm, theem ntsuas, lub npe tsev kawm ntawv thiab ib cheeb tsam, lub xeev, thiab cov nab npawb ntawm ib cheeb tsam thiab lub xeev.

### Daim Ntawv Teev Num Ntawm Tus Menyuum Kawm Ntawv qhia rau kuv txog dab tsi?

Daim ntawv teev num qhia txog yim tus qhab nia uas koj tus menyuum tau txais los ntawm qhov kev ntsuas. Yog koj tus menyuum tau ua tag nrho plaub tshooj ntawm qhov kev ntsuas, nws yuav tau txais tag nrho yim tus qhab nia. 'NA' qhia tias tsis muaj qhab nia raug teev tseg. Muaj plaub tug qhab nia *Hom Ntawv Tseem Ceeb* thiab plaub tug *Qhab Nia Los Ntawm Ntau Feem*.


Cov qhab nia *Hom Ntawv Tseem Ceeb* raug teev tseg rau feem Kev Mloog Cov Lus, Kev Tham Lus, Kev Nyeem Ntawv, thiab Kev Sau Ntawv. Cov qhab nia no los ntawm kev ntsuas txog plaub tshooj.

*Cov Qhab Nia Tau Los Ntawm Ntau Feem* yog muab sib xyaws nrog koj tus menyuum cov qhab nia ntawm *Hom Ntawv Tseem Ceeb*. Plaub Tug Qhab Nia Tau Los Ntawm Ntau Feem yog: Kev Hais Lus, Kev Paub Ntaub Ntawv, Kev Nkag Siab, thiab Tag Nrho Cov Qhab Nia.

### Cov qhab nia no yuav raug teev tseg licas?

Cov qhab nia *Theem Paub Zoo* yog raug teev tseg ua cov nab npawb txij ntawm 1.0 – 6.0, piv txwv zoo li 4.0 lossis 2.2. Cov qhab nia no tam rau Theem Kev Paub Ntawv Askiv Zoo Ntawm WIDA. Tus qhab nia 1.0 yog xam tias yog tus qhab nia paub ntawv Askiv ntawm "tus neeg pib kawm", ho tus qhab nia 6.0 yog xam tias yog tus qhab nia paub ntawv Askiv ntawm "tug neeg paub ntawv zoo lawm". Kab ntawv teev tseg ua tso duab ntxoov ntxoo yog tam rau tus qhab nia Theem Paub Ntawv Zoo ntawm koj tus menyuum. Hauv qab kawg ntawm daim ntawv teev num no qhia txog feem ua piv txwv ntawm koj tus menyuum theem paub ntawv Askiv zoo yog licas.

Theem Kev Txawj (Qhov muaj feem tau 1.0-6.0)					
1	2	3	4	5	6
			4.0		



Cov theem qhab nia yog raug teev tseg ua cov nab npawb txij ntawm 100 – 600, piv txwv zoo li 356 lossis 220. Cov qhab nia no pom txog koj tus menyuum theem qeb kawm thiab theem nyuaj ntawm qhov kev ntsuas uas nws ua tiav tau zoo. Cov theem qhab nia no yuav pom txog qhov ua

tau zoo ntawm koj tus menyuum qhov kawm tau ntawv Askiv hauv ib lub xyoos rau ib lub xyoos. Daim duab ntawv nyob ntawm daim ntawv teev num no qhia txog koj tus menyuum Theem Qhab Nia ntawm yim tus qhab nia, thiab nws kuj qhia txog *Theem Kev Ntseeg Yus Tus Kheej* rau txhua Theem Qhab Nia ntawm nws tus kheej.

*Theem Kev Ntseeg Yus Tus Kheej* yog kab ntawv ua duab ntxoov ntxoo rau ntawm koj tus menyuum txhua Theem Qhab Nia. Qhov no qhia txog theem qhab nia ntawm koj tus menyuum uas ua raug txog li thaj tsam 95%. Los yog hais ua lwm lo lus tias, yog koj tus menyuum tau ntsuas tib qho kev ntsuas li qub dua, nws yuav muaj feem pua ntsuas tau nws cov qhab nia tau li 95% raws li kab ntawv ua duab ntxoov ntxoo.

### **Kuv yuav tsum saib daim ntawv teev num ntawm kuv tus menyuam txog feem dab tsi?**

Peb xav kom tsev neeg saib tag nrho cov qhab nia teev tseg ntawm lawv tus menyuam. Nod yog qee cov lus qhuab qhia txog kev ntaus nqi, lossis qhia kom nkag siab koj tus menyuam cov qhab nia:

- *Saib ntawm cov qhab nia Hom Ntawv Tseem Ceeb.* Saib ntawm nws cov qhab nia Theem Paub Ntawv Zoo rau feem Kev Mloog Cov Lus, Kev Tham Lus, Kev Nyeem Ntawv, thiab Kev Sau Ntawv. Cov qhab nia twg tau ze txog 6.0? Cov qhab nia twg tau ze txog 1.0?
- *Saib ntawm Cov Qhab Nia Tau Los Ntawm Ntau Feem.* Saib ntawm nws cov qhab nia Theem Paub Ntawv Zoo rau feem Kev Hais Lus, Kev Paub Ntawv, Kev Nkag Siab, thiab Tag Nrho Tus Qhab Nia. Cov qhab nia twg tau ze txog 6.0? Cov qhab nia twg tau ze txog 1.0?
- *Piv rau cov qhab nia xyoo no nrog cov qhab nia tsaib no, yog muaj.* Yog koj tus menyuam tau ua qhov KEV NKAG rau ELLs 2.0 rau xyoo tsaib no lawm, piv nws cov qhab nia ntawm lub xyoo ntawd rau xyoo txuas mus ntxiv. Puas muaj ib qho sib txawv txog nws cov qhab nia Theem Paub Ntawv Zoo? Puas muaj ib qho sib txawv txog nws cov qhab nia Theem Qhab Nia?

### **Cov qhab nia ntawm qhov kev ntsuas no yuav raug siv licas?**

Cov qhab nia los ntawm KEV NKAG rau ELLs 2.0 yuav raug siv rau ntau feem. Cov niam txiv tuaj yeem siv cov qhab nia no los qhia rau lawv tus menyuam. Cov xibfwb qhia ntawv yuav siv cov qhab nia no los npaj qhia thiab tshuaj ntsuam xyuas. Cov chaw haujlwm ntawm cheeb tsam yuav siv cov qhab nia no los tshuaj ntsuam xyuas cov haujlwm pab txhawb, soj qab xyuas tus menyuam kawm ntawv qhov paub ntawv Askiv, thiab koj los txiav txim seb tus menyuam kawm ntawv no puas muaj cai tawm mus ntawm qhov kev pab qhia ntawv Askiv. Cov qhab nia no kuj raug siv los piv seb puas tau raws li cov qauv kev kawm tau ntawv ntawm lub xeev thiab tsoomfww.

### **Cov Nqe Lus uas Nug txog**

Peb xav kom tsev neeg tham txog cov qhab nia no nrog lawv cov menyuam tus xibfwb qhia ntawv. Nod yog qee cov nqe lus nug uas nug txog:

- Nws yuav ntsuas tau tus qhab nia dab tsi thiaj tawm tau ntawm qhov kev pab qhia ntawv Askiv?
- Kuv tus menyuam puas ntsuas qhov no txhua xyoo?
- Cov qhab nia no puas raug muab qhia rau nws cov xibfwb qhia ntawv?
- Hom kev pab qhia ntawv Askiv uas koj muab qhia rau kuv tus menyuam yog hom dab tsi?
- Koj puas xav paub txog kev siv lus tom tsev ntawm kuv menyuam yog zoo licas?
- Vim licas kuv tus menyuam thiaj tau txais tus qhab nia 'NA'?
- Tus qhab nia 'NA' no txhais tau licas?

Yog koj muaj lus nug txog koj tus menyuam cov qhab nia ntawm qhov KEV NKAG rau ELLs 2.0, thov hu rau koj tus menyuam lub tsev kawm ntawv.

### **KEV NKAG rau ELLs 2.0 qhia txog yim tus qhab nia nram no:**

- Kev Mloog Cov Lus
- Kev Tham Lus
- Kev Nyeem Ntawv
- Kev Sau Ntawv
- Kev Hais Lus
- Kev Paub Ntawv
- Kev Nkag Siab
- Tag Nrho

Cov qhab nia raug teev tseg yog cov qhab nia *Theem Paub Ntawv Zoo* thiab *Theem Qhab Nia*.

### **Cov Ntsiab Lus Tseem Ceeb uas Yuav Tau Paub**

***Cov neeg kawm ntawv Askiv*** yog cov menyuam kawm ntawv uas muaj cai tau txais kev pab qhia ntawv Askiv rau tom lub tsev kawm ntawv.

***Kev tsim kho kom paub ntawv zoo*** yog ib qho haujlwm uas yuav tau siv lub sijhawm. Cov menyuam kawm ntawv yuav kawm tau ntawv sib txawv.

***Kev paub ntawv zoo*** yog ib qho kev ntsuas seb cov menyuam kawm ntawv paub ntawv zoo licas lawm.

***Theem ntsuas*** yog hais txog theem nyuaj ntawm qhov kev ntsuas uas tau muab rau ib tug menyuam kawm ntawv ua. Kev muab theem ntsuas yog saib raws li theem kev paub ntawv zoo. Yuav muab ib theem ntsuas kom tsim nyog rau cov menyuam kawm ntawv raws li nws theem kev paub ntawv Askiv tam sim no.